

《金剛般若波羅蜜經導讀》 補充講表

◎附表二十二：以下糅合《金剛經講義》

○如來是真語者、實語者、如語者、不誑語者、不異語者。

◆真語：所說一如，即不異之意。實語：所說非虛，即不誑之意。如語：是明所有言語，皆是如其所親證者而說之也。故五語中，如語為主。使知真語、實語，皆是親證如此，絕非影響之談。不誑語：即佛不誑眾生。不異語：即雖說種種乘，皆為一佛乘。

○須菩提！如來所得法，此法無實無虛。（無：不住、不執著。無實無虛：不住空有也。）

◆「法」：指性也。「得」乃證性也。無實：正明其雖得而實無所得；無虛：正明其以無所得故而得證性。當知無實者，所謂生滅滅已故，（凡情空。）所謂無智亦無得故。（聖解亦空。）無虛者，所謂寂滅現前故（體現）。換言之。無實無虛，猶言寂照同時。寂則無實矣，照則非虛矣。此語是明如來證得之性，此性虛實俱不可說。何以故？虛實猶言

空有，空有不可說者，寂照同時也。

◆如來所得，固為無實無虛，而無實無虛，實由虛實俱遣得來。若存有無實無虛，便是法執，豈能無實無虛哉？故必應遣之又遣，方能證得空寂之性體也。

○須菩提！若菩薩心住於法，而行布施，如人入暗，則無所見；

◆此科是明執實則布施之功德全虛也，正是無實無虛反面。

◆「法」：謂一切法。一切法，不外境、行、果。境：境界，即五蘊、六根、六塵等；行：修行，即六度等；果：果位，即住、行、向、地，乃至無上菩提，亦兼果報，如福德、相好、神通、妙用等。

◆「入暗」：喻背覺。因有法執故，故背覺也。覺者，明義。背覺，則無明矣，故曰：入闇。無所見：喻不見性。前云：若見諸相非相，即見如來。今不知緣生即空之理，執以為實，而取法相，豈能見性？故曰：無所見。

◆為何不言有目無目？因為暗：喻此人道眼未開，無明未破，有目亦等於無目，故不言也。蓋此人以見地不明故，雖學大乘行布施，既是盲修，（入闇）必生重障（無所見），故以入闇無所見譬之。當知學佛者，若道眼不開，勢必處處雜以世情俗見，豈但六度行不好！

○若菩薩心不住法，而行布施，如人有目，日光明照，見種種色。

◆此科，是明知法無實，故不執著，則布施功德，便能無虛，正是當以無實成就無虛之義。

◆「有目」：喻道眼。「日光」：喻佛智，並指此經；以經中所說，皆是佛之大智光明義故。

「見」：喻見性。「種種色」，喻性具之恆沙淨德。蓋謂住法布施，則因執生障，何能悟見本性？若能心不住法（無實），而又勤行布施（無虛），是其人道眼明徹（有目），空有雙離（虛實俱遣）。

◆如果能依文字般若，起觀照般若，則游於佛日光輝之中（日光明照），當得徹見如實空（無實），以及如實不空（無虛）；並且具足體相用三大之性（見種種色），如佛所得也。其功德何可思議！即以生起下文所云：「成就無量無邊功德」之義。

◆「目目」：亦可喻行人之正智。有目者，正智開也。正智既開，能破無明，故曰：日光明照。無明分分破，便分分現起過恆河沙數性淨功德，故曰：見種種色。

○當來之世，若有善男子、善女人……悉知是人，悉見是人，皆得成就無量無邊功德。

◆當來：通指佛後。不言現在而舉後世為言者，意在展轉宏揚此經，不令斷絕，利益無盡。且以回映前來後五百歲之言，以鬪爭堅固之時，而能受持讀誦此經，其夙根深厚可知。所以蒙佛護念，皆得成就。

◆為者，被也，讀去聲。此句約事相言，有二義：

- (一) 智慧，是光明義；知見，是護念義。謂是人深契佛旨，蒙佛加被也。
- (二) 謂是人功德，惟佛證知。除佛智慧，餘無能悉知悉見者。

◆受：領納義趣，即是解也。持：修持，謂如法而行。又執持，謂服膺不失。既能如法而行，則必利益一切眾生以行布施。故此中雖未明言「廣為人說」，而其意已攝在內。

◆受屬思慧，持屬修慧；讀誦，則屬聞慧。對文為讀，憶念為誦。